

Na osnovu člana 153. i 154. Zakona o zdravstvenoj zaštiti ("Službene novine Federacije BiH", broj: 46/10 i 75/13), člana 13. stav 1. Pravilnika o specijalizacijama i subspecijalizacijama zdravstvenih radnika i zdravstvenih saradnika ("Službene novine Federacije BiH", broj: 75/20 i 99/21), a u vezi sa Pravilnikom o kriterijima za prijem specijalizanata ("Službene novine Federacije BiH", broj: 102/13, 55/14 i 99/19), Javna zdravstvena ustanova Univerzitetski klinički centar Tuzla raspisuje

KONKURS za izbor kandidata za dodjelu specijalizacija

I

Javna zdravstvena ustanova Univerzitetski klinički centar Tuzla vrši izbor kandidata za dodjelu specijalizacija:

1. Klinička radiologija.....1 specijalizacija
2. Klinička mikrobiologija.....2 specijalizacije
3. Reumatologija.....1 specijalizacija
4. Gastroenterologija.....2 specijalizacije
5. Pulmologija.....1 specijalizacija
6. Anesteziologija, reanimatologija i intenzivna medicina.....4 specijalizacije
7. Opća interna medicina.....3 specijalizacije
8. Vaskularna hirurgija.....1 specijalizacija

II

Kandidati koji se prijavljuju na Konkurs treba da ispunjavaju sljedeće uslove:

- da imaju završen Medicinski fakultet;
- da imaju položen stručni ispit;
- da imaju najmanje jednu godinu radnog iskustva nakon položenog stručnog ispita;
- da imaju važeće odobrenje za samostalan rad - licencu izdatu od strane nadležne komore;
- da poznaju jedan strani jezik.

III

Kandidati su **obavezni dostaviti svojeručno potpisanu prijavu na Konkurs** u kojoj obavezno moraju naznačiti za koju specijalizaciju se prijavljuju.

Uz prijavu na Konkurs kandidati su dužni dostaviti sljedeće dokaze:

- biografiju sa adresom i kontakt podacima;
- diplomu o završenom fakultetu;
- uvjerenje o položenom stručnom ispitu;
- uvjerenje o radnom iskustvu nakon položenog stručnog ispita;
- odobrenje za samostalan rad - važeću licencu;
- dokaz o poznavanju jednog stranog jezika.

Radi utvrđivanja redoslijeda kandidata u skladu sa Pravilnikom o kriterijima za prijem specijalizanata, kandidati uz prijavu trebaju dostaviti i sljedeću dokumentaciju:

- prijepis položenih ispita na studiju;
- uvjerenje o prosjeku ocjena tokom studija;
- uvjerenje o dužini trajanja studija (dostaviti dokaz ako je dužina studija iz opravdanih razloga produžena);
- dokaz o poznavanju stranih jezika;
- dokaz o ostvarenim nagradama za vrijeme studija (nagrada rektora Univerziteta/nagrada dekana fakulteta);
- uvjerenje o radnom iskustvu nakon ispunjavanja uslova za specijalizaciju.

Sva dokumentacija koju kandidati dostavljaju uz prijavu mora biti u originalu ili ovjerenoj fotokopiji.

Kandidati koji se prijavljuju na više specijalizacija moraju za svaku specijalizaciju dostaviti posebnu prijavu sa traženom dokumentacijom.

Svi kandidati koji su promijenili prezime obavezni su dostaviti dokaz o istom, odnosno Izvod iz matične knjige rođenih ili vjenčanih.

Uz prijavu se dostavlja samo dokumentacija koja je tražena Konkursom.

IV

Komisija za izbor specijalizanata će bodovati i obaviti razgovor sa prijavljenim kandidatima koji su

blagovremeno podnijeli dokumentaciju. O terminu razgovora kandidati će biti obavješteni pismenim putem.

V

Prijave sa traženim dokazima dostavljaju se u zatvorenoj koverti na adresu:

**Javna zdravstvena ustanova Univerzitetski klinički centar Tuzla
Sektor za pravne poslove i ljudske resurse
Ulica Trnovac bb, 75000 Tuzla**

sa naznakom:

"Prijava na Konkurs za izbor kandidata za dodjelu specijalizacija - NE OTVARAJ"
(na koverti obavezno navesti puni naziv specijalizacije na koju se aplicira)

Konkurs ostaje otvoren 15 (petnaest) dana od dana objavljivanja. Neblagovremene i nepotpune prijave neće se uzeti u razmatranje.

Javna zdravstvena ustanova Univerzitetski klinički centar Tuzla nema obavezu vraćanja dokumentacije kandidatima.